

得聞知

佛告皇后喚石女來於世尊前驗其虛實皇后奉命即遣黃門攝之將來時四石女見佛叩頭涕哭長跪合掌白世尊曰寶不偷珠有何因緣橫羅此罪鞭打楚痛身體破壞世尊答曰罪業因緣自身所造非父母爲非

從天墮人行善惡受苦樂報如響應聲貪現前利心行邪詭不知後世累劫受殃夫惡從心生反以自贓如鐵生垢消毀其形王又手白佛前後說法皆有因緣今四石女先世本業有何因緣願佛爲說開悟盲冥多所利益衆人蒙祐

未曾有因緣經卷上

莫八

訊音閱青信悅青竊冥上於曉反正作參七舍反監官塞上音窄音勞同與胃涉上音遠也參七舍反車匿下足力反一幼稚利反懈慢上音到反徒斯紫矮瑞紅

未曾有因緣經卷下

都無有心向三脫門度三有苦以不淨心貪受信施不知後世彌劫受殃償其宿債爲是等故豈得不說

佛告王曰憶念過去無數劫時有一大國名裴扇闍有一女人名曰提韋婆羅門種夫喪守寡其家大富都無兒息又無父母守孤抱

未曾有因緣經卷下

莫九

蕭齊三藏沙門釋曇景

譯

佛告王曰欲聞者善著心諦聽吾當與汝分別說之佛復惟曰今我法中有諸比丘言行不同心口相違或爲利養錢財飲食或爲名譽要集眷屬或有厭惡王法使役出家爲道

驥上音也指反譯下音鈍徒困裸反誅伐上音也與反頑嚚去乾反煩惱反也與反銀也同跋儂子官骨反

力下音主反背脚病也虜胡音唐慌呼廣鑽反突徒反

窮無所恃怙婆羅門法若不如意便生自燒身諸婆羅門時時共往到提韋所教化之曰今身之厄莫不由汝前身罪業何謂爲罪不敬奉事諸婆羅門又不孝順父母夫婿復無慈心養育兒子有是罪故致令今身抱孤守厄汝今若不修福滅罪後世轉劇墮地獄中當尔之時悔無所及提韋問曰當作何福得滅罪耶婆羅門曰滅罪二種其罪輕者手自髡頭香湯洗浴入天廟中懺悔辭謝那羅延天請婆羅門足一百人施設飲食設飲食已以乳牛百頭從犢子者親婆羅門然後罪滅所以者何諸婆羅門修淨梵行不食酒肉五辛葱蒜唯仰牛乳以為食資令施主擅越滅罪生福卅卅所生所願從心汝今罪重應以家中一切所有諸珍寶物布施五百大婆羅門諸婆羅門得布施已當爲汝後生常得大富欲滅重罪者於恒水邊積薪自燒諸婆羅門當復呪願令汝前身所造一切輕

重過罪一時滅盡後世更生無復餘殃父母兄弟夫婿兒子壽命無量快樂無極於是提韋便許可之決定開心當自燒身便勑家奴將十乘車入山伐樵規以自燒

爾時國中有一道人名鉢底婆撲也辯精進持戒多聞智慧常以慈心教化天下令改邪

就正捨惡修善傳聞提韋欲自燒身心生憐愍往詣其所問提韋言辦具薪火欲何所爲提韋答言欲自燒身滅除殃罪辯才答曰先身罪業隨逐精神不與身合徒苦燒身安能滅罪夫人禍福隨心而起心念善故受報亦善心念惡故受惡果報心念苦樂受報亦余

莫九

二

如人餓死則作餓鬼苦惱死者受苦惱報歡喜死者受歡喜報安隱快樂果報亦尔汝今云何於苦惱中求欲滅罪望善報也幸可不須於理不通復次提韋如困病人爲苦所逼若有惡人來至其所呵罵病人以手搏耳於意云何爾時病人寧有善心無忿惱不提韋

答言其人困病未見人時常懷忿惱況被搏耳而當無怒辯才答曰汝今如是先身罪故守窮抱厄常懷憂惱復欲燒身欲離憂惱當可得不如困病人得人呵罵尚增苦惱百千萬倍況自燒身猛炎起時身體焦爛氣息未絕心未壞故當尔之時身心被煮識神未離

故受苦毒煩悶心惱從是命終生地獄中地獄苦惱尤轉增劇百千萬倍求免甚難況欲燒身求離苦也復次提韋譬如車牛厭患車故欲使車壞前車若壞續得後車柜其項領罪未畢故人亦如是假令燒壞百千萬身罪業因緣相續不滅如阿鼻獄燒諸罪人一日之中八萬過死八萬更生過一劫已其罪方畢況復汝今一過燒身欲求滅罪何有得理爾時辯才種種因緣爲說正法提韋女人心開意解改志易操燒身息息白辯才言當設何方令得滅罪辯才答言前心作惡如雲覆月後心起善如炬消閻汝今幸有欲滅罪意

莫九

自有方便今能令汝不費一錢乃至不經毫分之苦滅除殃罪現出安隱後更生處善願從心提韋聞已心大歡喜憂怖即除如重罪爲敷高座氍毹鋪墊錦繡綻嚴飾第一散華燒香勸請辯才令登高座辯才受請即昇高座提韋女人即率家內奴婢眷屬五百餘人圍遶辯才叩頭恭敬合掌而立提韋女人白辯才言尊向所說滅罪事由雖懷欣慶猶有微疑唯願爲說除罪之法當如法行辯才答曰起罪之由出身口意身業不善殺盜邪淫口業不善妄言兩舌惡口綺語意業不善嫉妬瞋恚慢邪見是爲十惡受惡果報今當一心丹誠懺悔若於過去若於今身有如是罪今悉懺悔出罪滅罪當自立誓從今已往不敢復犯并爲我等先人父母夫婿兄弟所有過罪我今一心代其懺悔弟子提韋以今懺悔改惡修善福德因緣施與一切受苦

衆生令其得樂衆生有罪我當代受復立誓言緣我今日改邪就正悔罪修福從是因緣捨身受身至成佛道常遭明師遇善知識壽無量命常與父母夫婿兒子六親眷屬常相保守不經苦患莫如今也於是辯才告提韋言悔過滅罪法皆如是

於是提韋及其眷屬於辯才前長跪合掌白辯才言弟子之徒奉尊教誨如法懺已願尊更賜餘善法教當勤奉行增本功德辯才告曰今當誠心歸佛歸法歸比丘僧如是三說今當盡形受十善道我弟子某甲從今盡形不殺不盜不邪淫是身善業不妄言兩舌不惡口綺語是口善業不嫉妬瞋恚慢邪見是意善業是則名爲十善戒法

爾時辯才教授提韋十善法已提韋眷屬歡喜踊躍盡心奉行提韋女人爲設種種百味飲食及諸珍寶於辯才前長跪叉手白辯才言願尊留神垂愍教化今當爲尊造立宮室

隨所便宜終身奉事辯才答曰汝今以能捨邪就正淨修十善爲正法子復以十善教化天下則爲已報師徒重恩汝已得度我不宜留吾今復當往化餘處爾時提韋知師不住運輦庫藏諸珍寶物以奉上師冀得留意辯才不受辭退便去

於是提韋心自念言今日之濟莫不由我尊師和上開悟成就教授重恩苦請不留又復不受珍寶之物當如之何悲感傷心涕淚交流叩頭辭謝於是別去辯才去後提韋女人與其眷屬五百餘人常以十善展轉相化經於多時爾時國中忽遇穀貴人民飢餓時有五比丘懶惰懈怠不修學問經書義理又不專行持戒精進世人輕慢不供養之貧窮困苦無復生理五人議曰夫人生計隨時形儀人命至重不宜守死各共乞索辦具繩牀於曠野中掃灑淨潔華旛莊嚴依次而坐外形似禪內思邪濁世人見之謂是聖人賣持供

養百種飲食雲集供養於是五人飽足有餘爾時提韋聞是事已遣人訪覓信還報曰有五聖人獨坐山澤衆人雲集如事天神提韋聞已心大歡喜而自慶言我願果矣明日即勑嚴駕寶車香華妙樂百種飲食詣五比丘提韋到已禮拜問訊施設供養飲食畢已提

莫九

五

韋眷屬恭敬合掌白比丘曰

尊德至重無上福田衆生蒙祐不宜自輕弟子愚意欲請尊靈臨顧貧舍展釋微誠唯願慈哀濟度羣生弟子亦有清淨園林流泉浴池嚴飾光榮

提韋眷屬叩頭再三時五比丘知其意至便

許可之提韋歡喜辭還家中即遣使人莊嚴寶車迎五比丘還家供養提韋女人有好園林去舍不遠其園縱廣足滿十頃流泉浴池奇華異果鳩鵠鴛鴦清淨嚴好於其園中造立堂舍衆寶莊校其堂舍中數置牀席衆好卧具香潔第一令五比丘止住其中提韋女

人終身給事隨時便宜飲食湯藥供養使令不失時節時五比丘既被主人恩厚供養安隱快樂而自慶言何慰如之夫人生世種種方言求覓財利以救貧乏雖得如意不如我等都不勞身而食福祿此豈不由智慧力乎其五比丘察見主人慇懃意重而共議言雖

得主人隨宜供給日富歲貧不能濟人歲寒富樂我等今宜更施方便求覓錢財充爲後時受五欲樂作是論已更相易代差遣一人遊諸聚落宣語諸人唱如是言彼四比丘閑居寂靜護持禁戒斷絕酒肉不食葱蒜稱於梵行修禪止觀證無漏業不義修行成阿羅

漢則爲天下無上福田衆人聞已賣持種種錢財飲食運集來詣恭敬供養如是多年提韋女人直心敬信隨宜供養歡喜無厭壽盡命終生化樂天其五比丘專行巧僞邪濁心故福盡命終生地獄中八千億劫受大苦報地獄罪畢受餓鬼形魁魅魍魎如是展轉經

八千劫餓鬼罪畢受六畜身償其主人先世

供養業報因緣或作駱駝驢牛馬隨其主人所受福處常以筋力報償主人如是展轉復八千世畜生罪畢雖獲人身諸根闇鈍無男女根名爲石女自今以來八千世中常以筋力報償主人於今不息

莫九

六

佛告王曰爾時提韋者皇后是也爾時辯才者目連是也時五比丘即今皇后隨從擔舉扇提羅等五人是也

王白佛言如世尊說五人起因今者唯見擔

舉四人其餘一人爲何所在
佛告王曰其一人者常在宮內修治廁溷除

糞者是

皇后聞已肅然毛豎心懷怖懼更起禮佛侍立合掌而白佛言如世尊說扇提羅等是我

前世因緣師者實懷憂怖恐犯逆罪所以者何夫人師者應修恭敬頂戴禮拜是其宜也而反使擔舉不異牛馬以是因緣甚懷怖懼

願佛垂哀聽我懺悔

佛告之曰皇后福德自無過罪何故疑懼衆生殊性業行不同善者受福惡自受殃皇后本時直心清淨信樂修福福德因緣自今以來世世所生常遭明師信受教誨從善入善從祿入祿至於今日食福自然值佛出世前

身福德因緣力故復聞正法如說修行以是因緣無罪咎也其扇提羅五人因緣由其本時邪濁僥詭無有慈心受汝供養罪業因緣償其宿債皇后白曰今聞佛說本業因緣弟子疑惑解無憂懼也此扇提羅罪業果報何當畢耶弟子今者放扇提羅不敢驅使隨意東

莫九

七

西唯願世尊說法開悟令其心解改惡修善速得免苦

佛告之曰今欲令我開化其者喚彼宮內除糞者來皇后即時遣使令喚扇提羅來使者受命須臾將來扇提羅等五人聚集於佛前立世尊大慈先以善言慰勞之曰汝等諸子

體氣康和安隱快樂無苦惱不五人怒曰佛不知時所以者何晝夜勤苦鞭打使役不暇得息有何樂哉佛豈不知如是事乎而反問人快樂以不佛告五人今身之苦皆由前世邪濁詭曲懷不善心受人供養罪業因緣展轉所生至於今身償罪因緣猶故未畢若欲求免惡果報者今應至心丹誠悔過改惡修善從是因緣可得免苦扇提羅等聞佛語已忿怒隆盛反背向佛不欲聽聞佛以神力令一化佛對其前立方便慰喻勸令懺悔扇提羅等又反向東復有化佛對前而立復反向西復有化佛四維上下皆有佛對扇提羅等見佛圍遶五人即時稱怨大喚而作是言我等今者是弊惡罪人佛今何爲苦見逼耶爾時世尊還攝化佛爲一佛身佛告大衆國王太后諸比丘等汝等見是扇提羅不咸言唯然汝等當知衆生罪業有二種障一者業障二者煩惱障其罪輕者有煩

惱障重罪業障扇提羅等具有二障重罪障故不得受化非可如何

爾時皇后見扇提羅不受佛化哀感傷心語五人曰自今以後永解因緣隨意東西無憂快樂扇提羅等長跪涕淚白皇后言我等五人奉事大家有何等慙非意今日被驅棄捐若有不稱唯願弘恕使役如前於是皇后辭讓再三扇提羅等不欲離去皇后白佛弟子至意放扇提羅不肯欲離當如之何佛告之曰扇提羅等償債未畢因緣繫縛不得不去非可如何且順其意復其事業償因緣畢自當得脫

莫九

八

佛告王言夫人修福謙虛敬重直心清淨行於道業功德無量火不能燒水不能灑偷劫盜賊不能得便國王強力不能動轉如今皇后受福報也人行惡心貪現前利如扇提羅歷世受殃於今不息雖遇聖化如風過耳罪業力故反生怨嫉竊冥冥何時當免

爾時世尊慈悲心故告諸比丘如我前說人身難得值佛時難法難得聞終壽亦難汝等諸子前身微善得生人道遇佛在世聞法信受割斷恩愛離別父母兄弟妻子六親眷屬

出家爲道如囚免獄應捨惡從善中表相應言行無異少欲知足不貪世榮忍飢耐渴志存無爲研精學問棄捐衆惡莊嚴智慧修無漏業出生死海復以智慧順化天下使行十善是則名爲自度度人應菩薩業

爾時會中有諸比丘聞佛說已自忖所行身口意業不稱道法五百餘人即起修敬叩頭懺悔又手合掌而白佛言如世尊教三不善

業我等悉有今於佛前發露懺悔唯願天尊表察其誠從今以後誓不爲非當如法行願佛證知

佛言諸子三界聖尊衆生之父子今悔惡修善甚是所欣當隨爾喜復次五百鹿行比丘聞說是已即起修敬叩頭向佛白言世尊我

等不堪修出家道所以者何從昔已來爲利益故行於邪濁有虛無實受人供養負債滋多爲是等故實懷憂懼今欲捨道還歸俗緣願佛垂聽

佛告比丘善哉善哉吾助爾喜所以者何夫入行如把刃持毒不能堪者不如不爲何以故執持不動反爲害故汝等今者信於業報有慚愧心慚愧因故除滅過罪增長善根彌勒菩薩後成佛時初會說法當得上度又告比丘寧割身肉以用供口不以邪心受人施也甚難甚難慎之慎之

尔時佛子羅睺羅等五十沙彌聞佛說彼扇提羅等禍所由起因緣本末甚大憂懼即各修敬頭面禮佛又手合掌白言世尊今聞說此扇提羅等宿業因緣受苦果報甚懷怖懼所以者何和上舍利弗大智福德爲國中豪族所見知識衆人競共雲集供養餉致最上甘珍美味小兒愚癡無有福德食人如是妙

好飲食後當復償其因緣受苦果報如扇
提羅是故我等實懷憂慮彼諸長德五百比
丘尚不能堪退道還俗而況小兒無智慧者
願佛垂哀賜聽我屬捨道還家冀免罪酷不
經苦厄

爾時世尊告羅睺羅汝今畏罪欲得還家求

離苦者是事不然何以故如有二人乏食飢
餓忽遇主人爲設種種肥濃美味其人飢餓
貧食過飽然此二人一者有智二者愚癡有
智之人自知食過身體沉重頻申欠呴恐致
苦患即詣明醫謙虛下意叩頭求哀請除苦
患良醫即賜摩楂提藥令其服之其人即吐
腹中宿食吐宿食已令近暖火禁節消息其
人因是得免禍患終保年壽安隱快樂其無
智者不知食過謂是鬼魅消費家財橫殺生
命祠祭鬼神欲求濟命唐費功夫腹中宿食
遂成生風生氣轉筋絞切心痛因是死亡生
地獄中兩世受苦由無智焉

莫九

十

佛言汝羅睺羅畏罪還家如彼無智愚癡人
也夫人求福欲離罪者當謙虛精勤親近明
師修習智慧悔惡罪業改往修來從是漸漸
智慧成就慧成就故消滅衆罪如我前說曰
光威力能除衆冥人修智慧亦復如是緣汝
先有善根因緣遭值我時舍利弗等如彼明
智能濟苦患而得不死子今何爲捨明入闇
沙彌羅睺白言出尊諦佛智慧猶如入海羅
睺等心猶如毫末豈能受持如來智慧
佛告羅睺如天雨沛後不及前雖不相及能
滿大器修學智慧亦復如是從小微起終盛
大器盛大器已轉盛餘器如是展轉滿無量

器是則名爲自利利人自利利人名爲大士
如我今也羅睺羅等聞佛說已心開意解無
復憂慮如世尊教當具奉行不敢疑也

爾時會中國王太子名曰祇陀聞佛所說十
善道法因緣果報無有窮盡長跪叉手白天
尊曰佛昔令我受持五戒今欲還捨受十善

法所以者何五戒法中酒戒難持畏得罪故
世尊告曰汝飲酒時爲何惡耶祇陀白佛國
中豪強時時相率賣持酒食共相娛樂以致
歡樂自無惡也何以故得酒念戒無放逸故
是故飲酒不行惡也

佛言善哉善哉祇陀汝今以得智慧方便若

莫九

十

世間人能如汝者終身飲酒有何惡哉如是
行者乃應生福無有罪也夫人行善凡有二
種一者有漏二者無漏有漏善者常受人天
快樂果報無漏善者度生死苦涅槃果報若
人飲酒不起惡業歡喜心故不起煩惱善心
因緣受善果報汝持五戒何有失乎飲酒念
戒益增其福先持五戒今受十善功德倍勝
十善報也

時波斯匿王白佛言世尊如佛所說心歡喜
時不起惡業名有漏善者是事不然何以故
人飲酒時心則歡喜歡喜心故不起煩惱無
煩惱故不行惱害不害物故清淨三業清淨

之道即無漏業世尊憶念我昔遊行獵戲志
將廚宰於深山中覺飢欲食左右答言王朝
去時不被命勑令將廚宰即時無食我聞是
語已走馬還宮教令索食王家廚監名修迦
羅修迦羅言即無現食今方當作我時飢逼
忿不思惟瞋怒迷荒教勑傍臣斬殺廚監臣
被王教即共議言簡括國中唯此一人忠良
直事今若殺者更無有能爲王監廚稱王意
者時末利夫人聞王教勑殺修迦羅情甚愛
惜知王飢乏即令辦具好肉美酒沐浴名香
莊嚴身體將諸妓女往至我所我見夫人莊
束嚴麗將從妓女好酒肉來瞋心即歎何以
故末利夫人持佛五戒斷酒不飲我心常恨
今日忽然將酒肉來共相娛樂展釋情故即
與夫人飲酒食肉作衆妓樂歡喜娛樂惠心
即滅夫人知我忘失慾意即遣黃門輒傳我
命令語外臣莫殺廚監即奉教旨我至明日
深自悔責愁憂不食顏色憔悴夫人問我何

故憂愁爲何患耶我言吾因昨日爲飢火所逼瞋恚心故殺修迦羅自計國中更無有人堪監我廚如修迦羅者爲是之故悔恨愁耳夫人笑曰其人猶在願王莫愁我重問曰爲實如是爲戲言耶答言實在非虛言也我令左右喚廚監來使者往召須臾將來我大歡

莫九

十二

喜憂恨即除王白佛言末利夫人持佛五戒月行六齋一日之中終身五戒以犯飲酒妻語二戒八齋戒中頓犯六戒此事云何所犯戒罪輕耶重耶

世尊答曰如此犯戒得大功德無有罪也何以故爲利益故如我前說夫人修善凡有二

種一有漏善二無漏善末利夫人所犯戒者入有漏善不犯戒者名無漏善依語義者破戒修善名有漏善依義語者凡心起善名無漏善王白佛言如世尊說末利夫人飲酒破戒不起惡心而有功德無罪報者一切人民亦復皆然何以故我念近昔舍衛城中有諸

豪族刹利公主因小諍競乃致大怨各各結謀興兵相伐兩家並是國中豪強復是親戚非可執錄紛紜鬪戰不從理諫深爲憂之復自念言昔太子時先王大臣名提韋羅特其門宗富貴豪強而見輕慢形調戲弄劇於畜生當時忿恚精實不分意欲誅滅力所不堪訴向父王復不聽省懷毒抱恨非可如何以是之緣飲食損常懊惱愁悴爾時太后見我愁苦種種諫曉愁故不息於時太后愛子情重便遣使人求覓好酒勸我令飲即白母言先祖相承事那羅延天奉婆羅門今若飲酒懼恐天怒爲婆羅門之所謫罰太后當時懼

莫九

十三

子致命於夜靜時閑閉宮門不令異人黃門婢使而得知者太后言夫天神者有慈悲心救一切苦婆羅門者皆應如是子今愁毒唐自失命天神豈能救子命耶寧當服藥消散憂患得全身命諸婆羅門未得天眼安能知子隱密事耶逼迫再三俛仰從之既飲酒已

忘失愁恨大后見子還復顏色心即歡喜召集宮女作倡妓樂三七日中受五欲樂所追忿恨從是得息思惟是已即勑忠臣令辦好酒及諸甘饍又使宣令國中豪族羣臣士民悉皆令集欲有所論國中大事諸臣諍競兩徒眷屬各有五百等應召來集於王殿上莊

嚴大樂王勑忠臣辦琉璃椀受三外諸寶椀中盛滿好酒我於衆前先擎一椀王曰今論國大事想無異心坐此會也今當人人辦此一椀甘露良藥然後論事咸言唯諾奉大王命並勑伎官作倡妓樂諸人得酒並聞音樂心中歡樂忘失仇恨沛然無憂王復持椀白諸君曰士夫修德歷世相承遵奉聖教不應差違諸君何爲因於小事忿諍如之若不忍者恐亡國嗣是故重諫幸息諍事諸臣白王敬奉重命不敢違也因是和平王白佛言諸人起諍不因於酒然因得酒息忿諍心而得和平此豈非是酒之功也

復次世尊察見世間貧窮小人奴客婢使夷蠻之人或因節日或於酒店聚會飲酒歡樂心故不須人教各各起舞未得酒時都無是事是故當知人因飲酒則致歡樂心歡樂時不起惡念不起惡念則是善心善心因緣應受善報復次世尊獮猴得酒尚能起舞況於

世人如世尊說施善報施惡報如世間人緣前布施福德因緣今致大富貧者從乞慳惜不與慳貪因緣受餓鬼報或有世人若男若女受形端正男人好者爲女所愛女人好者男情所樂若有強力制斷男女不令合會不得合故則致憂苦此之殃罪當歸何處

莫九

十四

末利夫人皆由前身以好施人故今得好報世尊云何令持五戒月行六齋六齋之日不得莊嚴香華服飾又復不聽作倡妓樂又復不聽附近夫婦愛好之姿竟何所施徒亡其

佛告王曰大王所難非不如是末利夫人在

年少時若我不勑令受戒法修智慧者云何
當有今日之德以能得度復度王身如斯之
功復歸誰耶末利夫人受我教故如說而行
故使今日成就智慧方便解脫

復次大王譬如世人家有一子欲令成故及
其幼年將詣學堂與師令教文藝書疏人望

禮儀學堂之法皆有制令呵責皆罰禁節飲
食不得睡眠出入行來不失節度有違犯者
隨罪輕重計而行罰兒畏杖故專心就學至
年大時高才博聞靡所不知復以所知轉教
餘人末利夫人奉持齋戒亦復如是

復次大王如富樓那嫉妒心故割斷恩愛辭
別父母捨離妻子入山習學被服草衣忍寒
耐苦自立誓言要當諷誦九十六種經書記
論悉令通達不余不還與父母相見足二十
年一切通達還王舍城頭戴炬火以銅鎌腹
陌上而行自唱稱言我一切智來至我所謂
我言你瞿曇沙門竟何所知我言癡人而說

莫九

十五

頌曰

若有人智慧 不說人自知 如是多聞者
如日照世間 若多少有聞 自大以憍人
如人盲執燭 照彼不自明

時富樓那聞是語已霍然心悟捨炬解腹五
體投地慚愧悔過皆由多聞智慧諸根利故
未起之頃斷三界漏得羅漢道智慧之力譬
如調象隨鉤而轉

大王當知夫習學者皆由禁制攝五情根然
後通達無所罣礙名無礙智無礙智者具四
辯也今富樓那具四辯才皆由謙苦勤學所
得是故我說夫慧解者有七德財何謂爲七

第一信財二精進財第三戒財四慚愧財第
五聞財六爲捨財七定慧財是爲七財末利
夫人具此七財大王當知末利夫人雖爲女
身高才智博非同凡人皆由少來慎身口意
一心專念修習智慧智慧力故名爲解脫復
以智慧解悟天下

爾時世尊因羅睺沙彌爲諸大衆而說頌曰
聞爲金翼鳥 威勢武力強 聞爲行寶藏
所在相利益 聞爲大橋梁 濟度衆苦厄
聞爲大船師 濟度生死海 多聞令志明
以明智慧增 智則博解義 見聞行法安
多聞能除憂 能以定爲歡 善解甘露法
從是得泥洹 聞爲知律法 行到不死處
從聞捨非法 仙人敬事聞 積聞成聖智
諸天亦復然 檢心不放逸 欲求安隱吉
慧能散憂恚 亦除非邪衰 如閻中得燭
當奉事明者 盲從是得眼 是故應捨癡
開導世間人 如明將無月 是因緣我說般若有四種義

難苦患欲受人天快樂果報以要言之求一
切福德皆應修學智慧方便如我前說阿逸
多王勤苦習學智慧力故雖復失行生死惡趣
中常識宿命識宿命故改惡修善速得解脫
感致諸天濟接供養以智慧力爲諸天師以
是因緣我說般若有四種義

爾時波斯匿王聞佛所說智慧方便功德因
緣甚大歡喜太子祇陀夫人太后羣臣士民
一切大衆莫不解悟各各修敬爲佛作禮復
坐如故王叉手曰如佛所言世人修善凡有
二種一有漏善二無漏善有漏無漏二義歸
一世尊云何說差別耶

佛告王曰人有二器一者利根二者鈍根爲
鈍根人說二種善利根之人不說二也所以
者何衆源泉流終歸一海鈍根之人諸根闇
塞是故爲說分別法耳

爾時國王太子祇陀白佛世尊十善戒法有
差別也同一義也妄語戒義一也多也若一
是故當知求三乘人當學般若欲離三惡八

義者終不可持若差品者願佛說之

佛告之曰妄語有二一重二輕何謂爲重若受戒人不修智慧愚癡無智不能教化興隆佛法爲是之故人所輕慢不得供養貧窮困苦爲供養故外現精進內行邪濁展轉相教宣向諸人比丘苦行精進得禪境界或言見

莫九

十七

佛見龍見鬼如是之人名大妄語犯是罪者墮阿鼻獄又復妄語能令殺人破壞人家復有妄語違失期契令他瞋恨如是名爲下妄語也行如是者名爲犯戒墮小地獄其餘調戲及諸私理匿禁之事或有言無或無言有不犯戒也

太子祇陀聞說是已即於佛前受十善道法白佛言世尊弟子今日疑悔已除發三菩提心願佛證知佛言善哉甚大歡喜宜知是時王白佛言如佛所說十方賢聖明達衆生因緣果報者我父先王事外道修持禁戒絕於酒食五辛葱蒜供養梵天日月水火常行布

施求梵天福年年常用千頭乳牛施婆羅門計四十年四萬頭牛請婆羅門食其乳酪生酥熟酥釀醜等味如斯功德生何天耶願佛垂哀分別教示令諸行者普得聞知

佛告王曰前王果報今在地獄所以者何不值善時不遇善友無善方便雖修功德不得

免罪布施之功不亡失也罪後畢時方當受福大王當知夫人修福不與罪合不共合故要須方便令得滅罪何謂方便謂善知識何謂善友謂正見人是爲善反常以正教調伏其心何謂正教謂觀無常苦空無我十二因緣縛著生死修四真諦見苦斷集證滅修道行六波羅密四無量心是爲方便調伏諸根根調伏故定慧成就慧成就故其心正直心正直故能起精進精進心故能起戒慎戒慎究竟定慧明了慧明了故遊諸萬行通達無礙行無礙故名爲解脫解脫心者即涅槃也是則名爲善知識也大王當知明師善導是

大因緣不可輕也大王今者遭賢遇聖皆由前世因緣果報聞法信解復能解人是故我說明人難值如不比有其所生處族親蒙慶是故當修般若智慧王白佛言聞世尊說智慧方便皆已貫心如世尊說禍福不同我先帝大王有何惡業受苦報耶

莫九

大八

佛告王曰先帝大王有六種罪何謂六種一者傲慢垢弊事無鹿細便起鞭罰不忍辱故二者貪受寶貨斷事不平致令天下懷怨恨故三者遊獵嬉戲苦困人民傷害衆生所愛命故四者禁閉宮女不得從意受大苦故五者耽著女色得新厭舊撫接不平致怨恨故六者畏婆羅門偷食酒肉五辛葱蒜恐被呵責行詭僞故是爲六事罪業因緣生地獄中王白佛言若是者佛未出時弟子亦有如斯之罪當如之何修十善行令得成就無滯礙也

佛告王曰如我先說日光出時衆冥悉滅有餘闇不王曰燈火之光尚能滅闇況日光明威勢力也今王福德聞佛說法成就智慧喻若日光滅一切闇無餘罪也王白佛言我父所事婆羅門師精進智慧修習苦行爲求福故不惜身命或有投巖五熱炙身或斷飲食求生梵天或大積薪生自燒身或有翹脚張口向日或於高樹以繩繫脚而自倒懸或卧刺棘扶石壓脅有如是等種種苦行苦行之功德因緣歸何所耶

佛答之曰如吾前說行苦苦報行樂樂報汝不聞乎王言世尊制諸弟子令持禁戒非爲苦耶夫人飢時不即得食煩惱橫起忿怒隆

廿六九

十九

盛不自覺識起想懷害殺修迦羅如斯之事兩世受苦豈非惡也

佛告王曰吾前所以制中前食者爲諸比丘捨外道法於我法中出家爲道先習苦行飢餓心故得諸弟子肥美飲食貪食過飽食不清故則致衆病是故制食非爲飢苦求福德

也又節食者見諸比丘縱橫乞食無有晝夜食無時節爲諸外道之所譏責而作是言瞿曇沙門自言道精何以不如外道法也是故節食非於飢苦而求福也以要言之所制禁戒正爲癡人無方便慧非爲智人知時宜也如我前說般若智慧即是解脫智者所受聖所行處王聞是已益加歡喜更起恭敬爲佛作禮一切大眾皆亦如是

波斯匿王長跪合掌白世尊曰今此大眾聞佛所說疑網結解猶如日光消除闇冥得見大明如此之功其恩難報諸弟子等當以何方施設供養報今出尊斯重恩也

佛告王曰及諸會衆甘露法教其功難報假令有人於恒沙劫盡心奉事佛法聖衆衣食卧具疾病醫藥於意云何其福多不王曰甚多不可稱量佛告王曰甘露法者精妙難量濟無塵細非天世人福德之力所能報也唯有一事能報佛恩何謂爲一常以慈心以其

所解一切善法展轉開化乃至一人令其信心成就智慧展轉教化無有窮盡譬言如一燈然無量燈如是行者乃名爲報師徒重恩大王當知欲報師徒解脫恩者還以智慧解度衆生如是行者則爲供養三世諸佛非但供養報一師也王叉手曰宣傳聖教開悟羣生令行正見修習聖道其福云何唯願垂哀開導衆生

佛告王曰若善男子善女人從師聞法一句一義展轉教化乃至一人未信令信未解令解如是功德無量無邊非是凡夫所能知也大王假使有人於千歲中飲食醫藥上妙衣服供養恭敬佛法聖衆其福多不王言甚多不可稱量佛告大王善男子善女人從師聞說諸佛正教展轉教化乃至一人令其信解其所得福復過於彼千萬億倍不及其一何以故法化之功應無量故

佛告阿難如此法教精勤宣化一切人民其

福無量阿難我今以此無上妙法付囑於汝
宣布教化過度衆生則爲供養一切諸佛何
難又手白世尊曰佛囑此經當何名之

佛告阿難此經教者名未曾有說因緣經當
勤修行

爾時波斯匿王祇陀太子夫人後宮四部弟子
釋梵諸天八部龍神八十萬人聞佛所說
皆大歡喜各各發心向三脫門禮佛辭退如
法奉行

未曾有因緣經卷下

音釋

厭惡	<small>上一堵反</small>	償	<small>音常</small>	裴扇	<small>上音陪國名</small>	恃怙	<small>市戶</small>
髡	<small>苦昆反</small>	親	<small>初近反</small>	蒜	<small>音笄葷也</small>	燋爛	<small>上二消反</small>
易操	<small>音登毛七到反</small>	醜	<small>音亦下</small>	瞿穀	<small>上音衢下力</small>	翫墮	<small>下郎旦反</small>
詭詭	<small>音胡困定反</small>	鷄	<small>朱反</small>	驪	<small>交精驪也</small>	餉	<small>音懶反</small>
咤	<small>音去張口反</small>	鷁	<small>音夏</small>	驥	<small>間螺也</small>	餉	<small>音詩反</small>
絞	<small>古巧反</small>	闔	<small>音一漂</small>	驃	<small>音一撻</small>	尚	<small>尚</small>
獵	<small>良輒反</small>	調	<small>音出</small>	廁	<small>音詩反</small>	戲	<small>徒上</small>

仇音求
沛然上元音普蓋反
蠻莫班音反
謫音摘銅鑠下音
也也
墨闕上音卦又胡卦反下
五蓋反或作核礪

二十一末

莫九